

COLEGIO SAGRADO CURASON

2019-2020

Historia cortico di scol.

For di aña 1867 Savaneta a haya reconocimiento como centro di e di 4 districto di Aruba. E tempo ey e tabata Commandeursbaai. Tabata obispo Ewijk cu a laga usa un local chikito como scol na 1874. Na aña 1876 e Soernan di Caridad a traha akinan cu 51 discipulo. Varios maestro a traha cu dedicacion pa e districto nobo e.o. Herry Croes y Shon Piet Croes. For di 1902 te cu 1909 a traha riba un scol nobo. E ora e Soernan di Roosendaal a tuma scol di Savaneta. Oficialmente esaki a bira un scol catolico.

Como cu e cantidad di alumno a crece na 1940 mester a bolbe pensa riba expansion. A dicidi e ora pa dividi e scol den dos: un scol pa mucha homber y un pa mucha muher.

Scol di Savonet a bira Scol Sagrado Coerazon y despues a parti den e dos scolnan: St.

Antoniusschool y Heilig Hart School. E dos scolnan aki a sigui crece y a bira dos scol grandi.

Desde 1971 a cuminsa integra e dos scolnan aki bek den un scol so cu a bira mixto atrobe. Na 1974 St. Antoniusschool a stop di existi y ta Heilig Hart College a keda. Desde 1999 e nomber aki a cambia oficialmente den "Colegio Sagrado Curason".

Hopi frèrè y soeur a hasi trabounan bunita pa e hubentud di Savaneta. Pero for di aña 1910 a cuminsa haya nos propio hendenan pa duna les. Actualmente Colegio Sagrado Curason ta conta cu 18 klas y nos ta e scol basico catolico di mas grandi di Aruba.

Vision di scol

Nos di CS♥ ta duna enseñansa na nos muchanan a base di norma y balornan cristian. Nos ta percursa pa un bon ambiente pedagogico den cua respet pa otro y pa nos medio ambiente ta wordo siña. Nos ta siña e muchanan cu tur mucha ta igual pero cu nan propio abilidadnan y cu nos enseñansa ta duna espacio pa cada mucha desaroya su mes, riba nivel di scol basico regular, pa medio di e didactica cu nos ta desplega na nos scol.



buki di informacion 2019-2020

check nos website: www.colegiosagradocurason.com

Mision di scol

Nos ta duna nos alumnonan un formacion solido cu ta basa ariba norma y balornan cristian cu ta sirbi nan di fundeshi pa ta hendenan responsabel, disciplina y cu sentido di deber den e comunidad arubano. E balornan cu nos ta inculca den cada alumno ta amor, confianza, respet, responsabilidad y integridad, ta balornan cu mester sali di e nucleo familiar.

Nos di CS♥ ta yuda mayor “**Lanta un mucha cu ta prepara pa bida**”...

Y pa nos “un mente sano den un curpa sano” ta importante y nos lo percura pa duna deporte y nutricion adecua, e debido atencion y espacio.

Personal y cantidad di alumno di scol.

Klas	1-A	juf. Erlouska Rasmijn – Henriquez.	20	alumno
	1-B	juf. Tonia Arends.	20	
	1-C	juf. Ismary Maduro.	20	
	2-A	juf. Jeweljing Martis.	21	
	2-B	juf. Ivna Rotsburg-ShenLiepShi.	20	
	2-C	juf. Ruzischka Tromp.	20	
	3-A	juf. Vinessa Kock.	18	
	3-B	juf. Judella Danje-Lopez.	19	
	3-C	juf. Diandra van der Voort	19	
	4-A	juf. Minouska Falconi-Toppenberg	20	
	4-B	juf. Indira Chan	21	
	4-C	juf. Jacqueline de Cuba – Gaarie.	21	
	5-A	juf. Yulan Fun.	22	
	5-B	juf. Jasmine Cicilia-Caraballo	22	
	5-C	juf. Lisa Ras	22	
	6-A	juf. Lorena Koolman	24	



6-B	juf. Nicole Croes- Nicolaas	24
6-C	juf. Charlotte Richardson.	25

Docente di Movecion y salud:	men. Elmer Robles de Medina juf. Tyrine de Kort
Reemplasante y lider di proyecto:	men. Angelo Angela
Klassenassistent:	juf. Janekzca Wever
Asistente di alumno:	juf. Carolina Arends
Reemplasante di juf Lisa:	juf. Naziha Wever- Ras

Directiva di scol

Coordinador di cuida/ I.B.'er:	juf. Veroushka Bareño
Cabesante suplente:	juf. Nadia Maduro
Cabesante:	juf. Lilith Rasmijn

Esnan encarga cu mantencion y mas:

sra. Vanessa Maduro, sra. Lizette Wever y sra. Solange Estivere

check nos website: www.colegiosagradocurason.com

Proyectonan di enseñanza.



Interne Begeleiding.....cuido di alumno

E proyecto aki ta ensera cu cada alumno lo wordo sigui durante e proceso di siñamento. Ora tin materia cu e no ta domina bon e mucha lo haya un ayudo pa esaki pero mayoria bes den grupo. Ultimo añanan nos scol a pone accento riba mas materia cu rekenen so. Tambe nos ta pone atencion na e lesamento, especialmente den e klasnan 1,2 y 3, e formacion social-emocional(SEO) y na e comportacion di alumnonan. E meta primordial ta pa guia y yuda e alumno pa e pasa mihor cu e por den e proceso di siñamento na nos scol. E IB'er(coordinador di cuidu) cu ta esun encarga cu cuidu di alumno(zorg) ta esun tambe cu ta ricibi tur e señalnan for di e maestro di e grupo y e ta canalisa e proceso pa yega mas serca na e mucha. Pues e ta structura e ayudo tanto cognitivo(di siñamento) como tambe e ayudo social-emocional. E IB'er/ coordinador di cuidu ta na cabes di e cuidu(zorg) general di scol y ta forma hunto cu e cabesante interino y cabesante, e directiva di nos scol.

Metodonan:

Desde algun aña scolnan cu ta resorta bou di SKOA ta trahando cu e metodo pa idioma hulandes nobo: Taalactief . Cu e introduccion di e metodo aki, enseñansa ta spera di hisa e nivel di dominio di e idioma hulandes cu ta asina importante pa avansa pa enseñansa secundario. Nos ta mira e cambionan aki como hopi positivo. Nos ta encurasha mayor pa laga e yiunan lesa hopi na Hulandes, **usa e idioma Hulandes riba computer** etc. Tur esaki pa prepara muchanan mas ainda den e hulandes cu ta esencial pa nan estudio.

Y ta algun aña tambe cu e metodo nobo pa matematica(rekenen): Wereld In Getallen(WIG)ta den tur klas. E maestronan tin bon comentario tocante su didactica y ta haña cu e resultadonan ta positivo.

Digitalisacion:

Ya ta algun aña caba cu nos a pasa over riba rapport digital hunto cu tur scol basico cu ta resorta bou di SKOA y e systema ta cana bon.



Tur klas na scol ta ekipa cu un Apple tv system como tools pa yega mas na e alumno su forma preferi di absorbe, interpreta, retene y compronde informacion.

Poco poco nos ta birando mas habil den maneha e hermentnan aki na beneficio di nos muchanan.

E aña pasa nos scol tambe a introduci e SAS(School Administratie Systeem) cu ta e herment di LVS(leerlingvolgsysteem) cu Skoa ta implementando den tur su scolnan. Ya mayor por subi online y sigui e progreso di su yiu pa medio di un code cu nos a entrega na mayor aña escolar pasa. Manera tur proceso nobo, esaki tambe ta tuma su tempo pa optimalisa ful e systema pa yega na e meta proponi. Den cuadro di optimalisa e uzo efectivo di digitalisacion na beneficio di e muchanan, scol ta tene 2 dia di workshop pa su maestronan: 1 dia 26 di augustus 2019 y e otro na april 2020.

Disciplina consciente:

E systema di atende cu nos muchanan, brindando nan opcionnan mediante Disciplina Consciente ya ta parti di nos curiculo y nos ta activamente ocupa cu ne cu e meta di yuda nos alumnonan riba tereno social-emocional.

Termento na scol:

Algun tempo pasa nos a nota e necesidad pa tin un forma mas efectivo pa deal cu e 'termento' of popularmente yama: 'bullying'. Ya den tur klas durante aña ta trata e tema aki. Nos ta combin'e cu 'de kracht van 8' pa fortalese amor propio(selfesteem). Di nos banda ta bay e peticion na mayor pa envolve mayor su mes activamente den e proceso aki, hunto cu scol, pa nos por logra stop e fenomeno aki.

Bou guia di e fundacion Telefon Pa Hubentud nos a sera conoci y siña tocante e metodo aki. E aña escolar aki nos lo trata esaki mas profundo den lesnan di salud cu ta wordo duna door di e docentenan di Movecion y Salud.

Den cuadro di optimalisa e coordinacion di cuido na nos scol,teniendo cuenta cu peticion di team, nos ta tene un workshop pa nos maestronan na September 2019.

Plan di aña escolar 2019-2020

* **Reunionnan cu mayornan.**



Reunion general di informacion

:

E reunion aki ta tuma lugar den e klas di e alumno.

- *mayor cu tin yiu na **ONDERBOUW** (klas 1 te cu 3)*
Diamars 27 di augustus 2019 di 7'or pa 8'or di anochi.
- *mayor cu tin yiu na **BOVENBOUW** (klas 4 te cu 6)*
Diaranson 28 di augustus 2019 di 7'or pa 8'or di anochi.

Nota particular: klas 4B lo tene su anochi di info ariba dialuna 26 di augustus pa motibo di curso ariba e otro 2 dianan di informacion.

ATENCION MAYOR: ariba e anochi di informacion nos ta duna **informacion general**; o sea: nos **NO** ta atende mayor apart riba con e yiu ta funcionando den klas. Pa esaki mester traha cita cu e maestro di klas.

Aunke nos pasa over riba e SAS, nos ta stimula, insisti y aprecia e contacto personal entre scol y mayor. Pesey mes maestronan di klas lo avisa mayor ki dia lo tin kijklmiddag of -avond. Ariba un dia asina, mayor por wak e trabounan di e yiu prome cu e rapport mes di cada trimester. Si mayor ta desea di wak prome of despues di e kijklmiddag, semper por. Solamente mester consulta cu e maestro di klas ki ora ta mas conviniente.

Entrega di 1^e Rapport: diamars 26 di november 2019 di 6'or pa 8'or

Reunion tocante Prome Sta. Comunion: fecha lo wordo anuncia despues.

Entrega di 2^{do} Rapport diamars 24 di maart 2020 di 6'or pa 8'or

Atardi/anochi di informacion y entrega di rapport: por favor, laga e muchanan na cas!

Lo entrega e di **Tres Rapport na e muchanan diaranson 8 di juli 2020. Mayor di muchanan cu tin cu ripiti e aña escolar lo wordo poni na altura di esaki door di e maestro asina cu e reunionnan tocante e rapport ta cla.*



*** klas 6 lo tene 2 atardi/anochi cada bes ora di entrega di rapport 1 y 2 ya cu ta hopi importante pa mayor duna y reconfirma su escohencia pa enseñansa secundario pa e yiu.*

Aparte di e dianan aki di entrega di rapport nos kier encurasha mayor pa aserca maestro di e yiu pa mantene mayor su mes al tanto di locual ta pasando, claro, semper trahando **cita cu maestro**.

Fechanan importante en coneccion cu actividadnan di scol.(fecha y actividad por cambia)

- Kinderboekenweek: Den e siman di 4 pa 8 di Nov. 2019(thema: Ban lesa, biaha y gosa)
- Beach clean up: October (riba un diasabra) algun klas ta participa
- Fun walk and run: 23 november 2019
- Sinterklaas 29 di november 2019
- Celebracion di Pasco di nacemento 17 di december 2019
- Celebracion dia di Betico: 23 di Januari 2020
- Celebracion di Carnaval: 14 di februari 2020
- Celebracion di "Himno y bandera": 17 di maart 2020
- Accion di 'muchu pa mucha': Den temporada di cuaresma
- Celebracion di Pasco Grandi: 8 di April 2020
- Weganan di Rey: 24 di april 2020
- Prome Santa Comunion den mei 2020...ta wordo anuncia ainda
- Fiesta di San Juan 21 juni 2020
- Graduation di klas 6: pendiente
- Schoolreisjes: siman di 6 t/m 10 julii 2020
- Misa di gradicimento di aña: 8 di juli 2020

Santo sacrificio di misa.

Como scol catolico nos muchanan lo asisti na Santo Sacrificio di Misa ariba diferente fecha y na ocasionnan special manera Pasco di nacemento, Diaranson di shinishi, Semana Santa, celebracion di fiesta di nos patrono Sagrado Curason di Hesus, clausura di aña escolar. Fuera



di esey e muchanan lo asisti na Santo Sacrificio di misa ariba diamars 8 or a.m. segun cu e klasnan ta toca turno pa haci tal. ***E prome diadomingo di tur luna pa 10'or di mainta tin misa special pa mucha.***

Por favor asisti cu bo yiu ariba e diadomingo nan aki cu ta fortifica e famia.

Reglanan di Colegio Sagrado Curason(CS♥)2019-2020

Klasnan 1 te cu 3: tel: 584.0344 (Onderbouw)

Klasnan 4 te cu 6:tel: 584.7388 (Bovenbouw)

Uniform:

Na CS♥ e alumno ta bisti uniform: **Onderbouw** ta bisti parti abou: saya,saya-short,Bermuda-short of jeans largo **blou scur** y **Bovenbouw** ta bisti jeans largo,of bermuda-short **blou scur** tambe.**NO TA BISTI SAYA.** Ariba e alumnonan ta bisti **polo-shirt** blanco cu emblema borda na banda robbez. Pa gym, uniform di gym cu emblema di scol obtenibel na Impex. E uniform di gym aki ta conta tambe pa klas 3 pa e dia di les di natacion. Nota: **NO ta permiti pa bin cu uniform di gym enbes di e uniform regular!!!!** Na pia: un bon keds sin wiel o sapato firme sera(no slof ni reef of sandalia, ni Birkenstock!) cu mea blanco.

Orario di scol:

Lesnan ta start 7.45 mainta y ta termina 1.03. Portanan di scol ta sera pa 7.45 di mainta pa seguridad di tur mucha. Muchanan mester yega scol entre 7.15 y 7.30 di mainta y wordo busca **promé cu 1.30 pm.** YEGA NA TEMPO.. Scol ta responsabel pa su alumnonan entre 7.15 di mainta y 1.30 di merdia **riba tereno(den cura) di scol.** Ningun mucha ta bandona tereno di scol sin cu cabesante o su suplente duna permiso durante orario di scol. Ni despues di scol, mientras e mucha ta bou nos supervision, nan no mag di bay cumpra boli na SPPP.

Ausencia di alumno:

Ora un alumno ta malo y no por asisti na scol, mayor tin e obligacion di informa scol mediante un yamada e mesun dia di ausencia prome cu 9'or di mainta. Tambe mester busca huiswerk den caso di ausencia largo. *Nunca scol ta duna permiso pa alumnonan biaha ora di scol.*

Pesey mayor ta ricibi na comienso di aña escolar e lista di vacacion.

Combersacion of contacto cu maestro y of cabesante:



Un maestro no por atende mayor ora di les. Semper por pidi un cita cu e maestro, via carta, mail of yamada y e maestro lo fiha un cita cu mayor. Cabesante y cabesante suplente por atende mayor tur dia entre **7.45 y 8.30** di mainta of di **12.30 pa 1.15** di merdia sea personalmente of via telefon. Tambe por email nos na: lilith.rasmijn@skoa.aw Si ta pa asunto urgente por yama scol anytime (te 1.30 di merdia)!

Extra material pa scol:

Beker pa bebe awa y jacket contra friu, un bon tas suficiente grandi pa carga su mapnan (huiswerk) aden. Un etui normal pa pone su articulonan di skirbi y pinta aden. Alumno di klas 4 te cu klas 6 **mester tin un agenda simpel**. Tur alumno ta haya na comienso di aña escolar potlood, pen, gum y liniaal. Ora esakinan caba of perde, mayor mes ta cumpra nobo. **Pen mag di ta solamente blauw** (no gel of stift etc.) inkt seco. Den klasnan 4 te cu 6 cada mucha mester tin su mesun **NEDERLANDS WOORDENBOEK**.

Propiedad di scol:

Tur alumno ta cuida material y edificio di scol. Cura, muraya, wc, porta, bentana, banki, stul, buki, schrift y otro material di scol mester wordo cuida. Alumno cu kibra of causa destruccion na propiedad di scol mester para responsabel pa su acto y mayor ta paga pa e drechamento y of compra di articulo, obheto of piesa nobo.

Articulo/obhetonan prohibi:

NO ta permiti na scol: coi hunga (ningun sorto), lpad, lpad, telefon celular ni otro artefactonan electronico y of hoyas. Si un mucha ta trece su telefon celular toch, e tin cu pague mane cu e drenta cura di scol y entregue na su maestro. Merdia e ta ricibi'e bek for di maestro y ta tene paga riba tereno di scol. **SCOL NO TA PARA RESPONSABEL PA PERDIDA DI NINGUN DI E ARTICULONAN AKI RIBA MENCIONA.** Tampoco ta permiti 'white out fluids' (ningun sorto)

Aspecto di hygienia y of apariencia:

CS♥ ta un scol cu ta brinda enseñansa na mucha. Pues **no ta permiti: ningun sorto di figura feita den cabey!!** Tampoco **cabey tiña (ni pa carnaval)**, wenkbrouw feita of ranca, **ningun piercing** otro cu no ta esun na horea pa mucha muher (1x renchi so na cada banda). Ningun



sorto di tattoo. Ni make up, pintura di huña of lipgloss of lipstick. ***Tur mucha, cabey largo mester tene esaki wanta/sera durante ora di scol.***

Si nos ripara/constata cu tin mucha cu pieu, nos ta avisa mayor pa tene e mucha na cas, sigui e recomendacionnan di JGZ pa elimina esaki y nos ta hopi estricto cu esaki. Nos NO ta desea brote di pieu na scol. Esaki ta conta tambe pa malesanan contagioso manera bruwela, sarampi, wowitis etc.

Tur mucha mester participa na lesnan di gym(movecion) y den nan uniform di gym. Solamente cu carta di dokter por abstene di participa durante e temporada stipula den e carta ey.

Nutricion y movecion:

CS♥ ta para pa un nutricion saludabel. Nos no ta bende nada na scol pasobra mayor ta responsabel pa cuido di nan yiu y consecuentemente pa un nutricion sano tambe pa nan. Nos ta pidi mayor pa percura pa e yiu desayuna na cas y trece algo saludabel como segundo desayuno na scol. Nos NO ta stimula trecemento di snacks y of coi come cu no ta saludabel. Ora di treat pa cumpleaños tambe nos ta pidi mayor pa tene cuenta cu 1 treat mes ta suficiente. Por favor pone e locual e mucha ta come y bebe den pauze, den baki di pan y termo of boter cu por wordo usa tur dia di nobo.

Ora cu mayor ta straf un mucha nos ta pidi mayor pa considera straf riba tv, weganan di computer etc. NO castiganan kitando nan movecion y fuentenan di expresion foi nan. Cu deporte nan ta haya mas diciplina den bida y cu expresion nan por desaroya emocionnan den un forma sano.

Toets(proefwerk), spreekbeurt, boekbespreking, huiswerk etc.:

Regla di scol ta cu tur alumno mester cumpli cu huiswerk y scol ta spera di mayor e cooperacion pa controla tarea di yiu y cumplimento cu palabracionnan haci cu maestronan. Si un alumno pa un of otro motibo ta ausente riba dia di toets(proefwerk),spreekbeurt, boekbespreking etc., e mester haci'e ariba e prome dia cu e presenta na scol despues di su ausencia. Di biaha nos ta pidi mayor pa no tene mucha na cas ariba dia di spreekbeurt etc. Esey ta pasa masha hopi mes. Siña e yiu pa carga responsabilidad, traha na tempo, traha



delanta y cumpli cu scol. Solamente den casonan exepcional y cu palabracion cu maestro di klas por fiha otro fecha.

Cumplimento cu reglanan di CS♥:

Mescos cu cada cas tin regla pa asuntonan cana bon, asina CS♥ tambe tin su reglanan pa educacion y enseñansa, di e yiunan cu mayor ta confia den nos man, bay manera mester ta.

Nos ta confia cu **mayor ta cumpli cu instruccion di maestro, cu reglanan di scol y cu pago di ouderbijdrage y airco.** Y nos di nos banda ta sigua mayor cu nos ta haci tur nos empeño pa cada un di nos alumnonan logra lo maximo den nan enseñansa y formacion.

Por ultimo nos ta desea tur nos alumnonan un aña escolar fructifero, yen di positivismo y alegria. Ban p'e!